



Medlem af Inatsisartuni ilaasortaq
Lars Poulsen, Siumut

Erngup nukinganik nukissiorfiit minnerit pillugit § 37 naaportorlugu apeqquteqaammut nr. 18-2022-mut akissut

Asasara Lars Poulsen

Inatsisartut Suleriaasianni § 37, imm. 1 naaportorlugu erngup nukinganik
nukissiorfiit minnerit pillugit Naalakkersuisunut apeqquteqaateqarputit.
Apeqqutit uannit akisassanngorlugit innersuunneqarput.

1. Erngup nukinganik nukissiorfiliornissamik pilersaarutit 2019-meersut, Kulusummi, Qeqertarsuatsiaani, Qassiarsummi, Atammimmi, Arsummi Ittoqqortoormiini Nukissiorfeeqqanik pilersitsinissamik pilersaaruteqarfigineqarput.

a. Qaqugu sanaartornerit aallartinneqassappat?

Akissut:

Nukissiorfiit ilisimatitsipput, nunatsinni nunaqarfinni tamani erngup nukinganik
nukissiorfinnik minnernik sanaartorfigineqarsinnaasut misissuiffineqarsimasut,
tamatumalu kingorna sumiiffinni 16-ini misissueqqittoqarsimasoq, taakkunangga
ilaallutik Qeqertarsuatsiaat, Qassiarsuk, Atammik, Arsuk aamma
Ittoqqortoormiit. Tamanna tunngavigalugu Kulusuup Narsarmijillu eqqaanni
ilimanaatilinnit marluk isumalluarnarnerpaatut naliliiffineqarput.

2021-mi Nukissiorfiit Kulusuup nunaqarfiata mittarfiatalu pilersorneqarneri
tiguai. Tamatumunnga atatillugu Aningaasaqarnermut Akileraartarnermullu
Ataatsimiititaliaasimasup Kulusummi erngup nukinganik
innaallagissiorfeeqqamik sananissamut Nukissiorfiit 18,1 mio. koruuninik
aningaasaliiffineqarnissaannut innersuussutaa akuerineqarpoq.

Kulusummi erngup nukinganut suliap killiffia pillugu Nukissiorfiit imatut
ilisimatitsissuteqarput:

*“Kulusummi erngup nukinganik innaallagissiorfiliornissamut periarfissat
marluk allaaserineqarput. Siulleq Run-off-river-imut aaqqiissutissaavoq,
tassanilu kuummi, Kulusuup tungaanut kuuttumi imeq atorneqassaaq. Aappaa
qillerineruvoq, tassanilu taseq 202-mi qillerisoqassaaq.*

Allakap ullua: 31-01-2022
Suliap normua.: 2022 - 104
Allakkiap ilisarnaataa:
19096531

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Amerikamiut siunnersortaasa aaqqiissutissaq siulleq, Run-off-river-imik atuiffiusoq inassutigaat, taamaattumillu 2021-mi upernaakkut erngup ingerlanera uuttortarneqarpoq. Ajoraluartumik aasaanerani pilersuinerup saniatigut pilersuinissamut kuup erngata annertussusia naammangitsoq paasineqarpoq.

Aaqqiissutissap aappaani, tassalu taseq 202-mi qillerinermi mittarfeqarfik Kulusullu ukioq kaajallallugu pilersorneqarsinnaanissaat ilimagineqarpoq. Aaqqiissutissami tassani tatsip naqqani, imermik naqitsineqarfiusumi qillerisoqarnissaa unammilligassaavoq. Taamatuttaaq qaarsup pitsaassusia qillerinissamut naammannersoq nalornissutigineqarpoq.

Tamanna pissutigalugu 2021-mi ukiakkut qaarsup pitsaassusia naliliiffiniarlugu nunap qaani teknikkimut tunngassutilinnik misissuisoqarpoq. Tassunga inerniliussaasut ajoraluartumik naliliinissamut naammassimangillat. Tamanna pissutigalugu 2022-mi aasap ingerlanerani Nukissiorfiit qillerinissaq naliliiffiniarlugu nunap qaani teknikkimut tunngassutilinnik amerlanerusunik misissuinissaminnik pilersaaruteqarput.”

b. Qaqugu atortussat sumiiffinnut assartuunneqassappat?

Akissut:

Matuma siuliani akissut takuuk (a)

c. Qaqugu pilersaarutaava atorneqalissasut?

Akissut:

Matuma siuliani akissut takuuk (a)

Inussiarnersumik inuulluaqqusillunga


Kalistat Lund